


Komentar monetarnih kretanja u julu 2022. godine

Ukupna novčana masa (M2) na kraju jula 2022. godine iznosila je 32,04 milijarde KM, na mjesečnom nivou registrovan je porast novčane mase za 528,1 milion KM (1,7%). Porast novčane mase (M2) u julu 2022. godine, rezultat je povećanja novca (M1) za 385,3 miliona KM (2,1%) i kvazi novca (QM) za 142,8 miliona KM (1,1%). Do povećanja novca (M1) je došlo uslijed porasta prenosivih depozita u domaćoj valuti za 169,8 miliona KM (1,4%) i gotovine izvan banaka za 215,5 miliona KM (3,7%). Povećanje kvazi novca (QM) rezultat je rasta prenosivih depozita u stranoj valuti za 74,9 miliona KM (2,3%), ostalih depozita u domaćoj valuti za 31 milion KM (1,1%) i ostalih depozita u stranoj valuti za 36,9 miliona KM (0,5%).

Na godišnjem nivou, porast novčane mase (M2) u julu 2022. godine iznosio je 1,96 milijardi KM (6,5%). Rast je ostvaren kod gotovine izvan banaka za 637,9 miliona KM (11,7%), kod prenosivih depozita u domaćoj valuti za 1,57 milijardi KM (14,1%) i prenosivih depozita u stranoj valuti za 173,2 miliona KM (5,6%), uz istovremeno smanjenje ostalih depozita u domaćoj valuti za 133,9 miliona KM (4,4%) i ostalih depozita u stranoj valuti za 294,4 miliona KM (4,0%).



Protustavka porastu novčane mase (M2) na mjesečnom nivou u julu 2022. godine u iznosu od 528,1 milion KM (1,7%) je povećanje neto strane aktive (NSA) za 531,2 miliona KM (2,9%), uz blago smanjenje neto domaće aktive (NDA) za svega 3,1 milion KM. Porast novčane mase (M2) na godišnjem nivou od 1,96 milijardi KM (6,5%), rezultat je rasta neto strane aktive (NSA) za 1,12 milijardi KM (6,3%) i neto domaće aktive (NDA) za 832,6 miliona KM (6,7%).

Monetarni pregled

	Stanje u mil. KM VII 2022	Mjesečne promjene u mil. KM			Godišnje stope rasta u %		
		V 2022	VI 2022	VII 2022	V 2022	VI 2022	VII 2022
Aktiva							
1. Neto strana aktiva	18.854,8	177,0	-135,3	531,2	8,4	6,7	6,3
1.1. Strana aktiva	20.681,6	197,0	-56,5	480,2	6,1	5,5	5,2
1.2. Strana pasiva	-1.826,8	-20,0	-78,8	51,0	-12,9	-5,2	-5,5
2. Neto domaća aktiva	13.182,7	138,6	282,4	-3,1	4,9	5,9	6,7
2.1. Potraživanja od centralne vlade (neto), kantona i općina	-339,7	-222,8	61,1	36,5	-301,3	-252,2	-240,1
2.2. Potraživanja od domaćih sektora	20.786,6	169,1	150,5	66,4	5,3	5,0	5,3
2.3. Ostale stavke	-7.264,2	192,3	70,8	-106,1	-3,0	-4,8	-4,9
Pasiva							
1. Novčana masa (M2)	32.037,5	315,6	147,1	528,1	6,9	6,4	6,5
1.1. Novac (M1)	18.793,0	221,2	189,2	385,3	14,4	14,0	13,3
1.2. Kvazi novac (QM)	13.244,6	94,4	-42,0	142,8	-2,0	-2,8	-1,9

Kredit

Ukupni krediti domaćim sektorima na kraju jula 2022. godine iznosili su 21,8 milijardi KM, u odnosu na prethodni mjesec zabilježeno je blago povećanje od 47,8 miliona KM (0,2%). Rast kredita registrovan je kod sektora stanovništva za 59,8 miliona KM (0,6%) i nefinansijskih javnih preduzeća za 17,3 miliona KM (3,5%). Pad kreditnog rasta na mjesečnom nivou je zabilježen kod vladinih institucija za 5,2 miliona KM (0,5%), privatnih preduzeća za 13,8 milion KM (0,1%) i ostalih domaćih sektora za 10,4 miliona KM (5,8%).

Godišnja stopa rasta ukupnih kredita u julu 2022. godine iznosila je (4,5%), nominalno 944,2 miliona KM. Godišnji rast kredita registrovan je kod sektora stanovništva za 566,5 miliona KM (5,5%), privatnih preduzeća za 424 miliona KM (4,8%), i nefinansijskih javnih preduzeća za 9,4 miliona KM (1,9%). Smanjenje kreditnog rasta na godišnjem nivou registrovano je kod vladinih institucija za 53,9 miliona KM (4,7%) i kod ostalih domaćih sektora za 1,7 miliona KM (1,0%).

Sektorska struktura kredita u BiH

	Stanje u mil. KM VII 2022	Mjesečne promjene u mil. KM			Godišnje stope promjene u %		
		V 2022	VI 2022	VII 2022	V 2022	VI 2022	VII 2022
Ukupno	21.763,4	157,6	144,3	47,8	4,5	4,4	4,5
Od toga:							
Stanovništvo	10.829,4	89,0	85,3	59,8	5,7	5,6	5,5
Privatna preduzeća	9.174,6	78,1	75,1	-13,8	4,5	4,4	4,8
Vladine institucije	1.087,1	-9,8	-8,8	-5,2	-6,1	-5,2	-4,7
Javna preduzeća	504,3	-1,7	-17,4	17,3	-0,1	-3,6	1,9
Kredit ostalim domaćim sektorima	168,0	2,0	10,0	-10,4	22,0	24,9	-1,0

Depoziti

Ukupni depoziti domaćih sektora na kraju jula 2022. godine iznosili su 28,1 milijardu KM, u odnosu na prethodni mjesec zabilježeno je povećanje depozita od 273,6 miliona KM (1,0%). Rast depozita registrovan je kod sektora stanovništva za 105,4 miliona KM (0,8%), privatnih preduzeća 158,4 miliona KM (2,9%), ostalih domaćih sektora za 16,8 miliona KM (0,9%), i kod vladinih institucija za svega 0,2 miliona KM. Pad na mjesečnom nivou zabilježen je kod depozita nefinansijskih javnih preduzeća za 7,2 miliona KM (0,4%).

Godišnja stopa rasta ukupnih depozita u julu 2022. godine iznosila je (5,3%), u apsolutnom iznosu 1,42 milijarde KM. Godišnji rast depozita registrovan je kod vladinih institucija za 1 milijardu KM (27,4%), privatnih preduzeća za 383,6 miliona KM (7,4%), nefinansijskih javnih preduzeća za 287 miliona KM (16,6%) i kod ostalih domaćih sektora za 172,4 miliona KM (10,4%). Smanjenje stope rasta depozita na godišnjem nivou registrovano je kod sektora stanovništva za 433 miliona KM (3,0%).

Sektorska struktura depozita u BiH

	Stanje u mil. KM VII 2022	Mjesečne promjene u mil. KM			Godišnje stope promjene u %		
		V 2022	VI 2022	VII 2022	V 2022	VI 2022	VII 2022
Ukupno	28.059,0	544,0	365,0	273,6	4,9	5,2	5,3
Od toga:							
Stanovništvo	13.976,5	-18,5	100,5	105,4	-3,6	-3,4	-3,0
Privatna preduzeća	5.559,1	282,4	-27,8	158,4	11,1	7,6	7,4
Vladine institucije	4.680,0	247,1	352,1	0,2	21,4	28,3	27,4
Javna preduzeća	2.015,7	22,7	-47,2	-7,2	18,2	16,7	16,6
Depoziti ostalih domaćih sektora	1.827,7	10,3	-12,6	16,8	10,7	9,0	10,4

Devizne rezerve

Devizne rezerve Centralne banke BiH na kraju jula 2022. godine iznosile su 16,3 milijarde KM. U odnosu na prethodni mjesec zabilježen je porast deviznih rezervi Centralne banke BiH za 368,4 miliona KM (2,3%), dok je na godišnjem nivou registrovan porast za 1,68 milijardi KM (11,5%).